

呂祖全書

乙巳仲冬  
萬德至善社重刊

呂祖全書忠孝誥小序

吾夫子志在春秋。行在孝經。春秋忠也。孝經孝也。可知聖賢以忠孝爲本矣。世之議二氏者。動曰無君臣父子之倫。孰知慈腸覺世。有功社稷。一子得道。九祖昇天。之不誣耶。故呂祖言。無不忠孝之神仙。無不忠孝之佛祖。離忠離孝。非佛非仙。嗚呼盡之矣。朱子輯小學。采錄忠臣孝子事實。然亦未能盡載。茲誥選古來精忠至孝三十六人。又七十二人。可謂備矣。抑又嚴矣。各係以讚。或隲括生平。或標舉一節。各極其趣。如箴如銘。如樂府古詩。昔王世貞謂李東陽樂府。自是天地間一種文字。此足當之。若馬融僭作忠經以配孝經。固法言中說擬論語之比。唐佺宗表章孝經。獨遺閨門一章。亦

未能以孝治。吾觀呂祖之自讚曰。莫大神通。全在忠孝。利己利人。千秋大道。是呂祖忠孝神仙也。今作此誥。現身說法。欲天下萬世之人。無不勉爲忠孝完人也。世人無不願見呂祖矣。試還而自問。果夙興夜寐。無忝爾所生否。果夙夜匪懈。以事一人否。苟無慚於君父。即可以對呂祖。雖不見。見也。不然。戎服講老子。北向誦孝經。其效何如。雖日誦此誥。有何是處。

### 重刻忠孝誥序

宇宙間。可以感天地。格神明。令見者敬。聞者慕。名萬古而不朽者。曰忠臣。曰孝子耳。然忠而不誠。是謂僞忠。孝而不誠。是謂僞孝。去僞求純。以誠爲至。蓋誠則篤。篤則純。不見爲忠。在在皆忠。不見

爲孝。在在皆孝。大哉乎佑帝君忠孝寶誥一書。言言玉律。字字金科。自舜文周孔四聖人而下。大忠若而神。至孝若而神。列其名號。讚其實行。無非爲天下萬世。勉其忠孝也。即無非爲天下萬世。防其不忠孝也。蓋天下萬世之人。皆秉天地正氣以生。靈異萬類。所宜保合各正。側身修行。於君則忠。心心報國。於親則孝。念念承歡。而且兢兢乎不忠之非孝也。黽黽乎移孝以作忠也。進思退思。而忠不自覺。明天察地。而孝不自知。斯乃純哉其忠。純哉其孝。名當時而傳後世。誰不曰。某某忠臣。某某孝子耶。今姚子方昇。請刊行世。呂祖親降寶壇。用伸嘉勉。時蒙呂祖並蘇真同賜臨覽。蔣子正校。又以序請於上。許之。

。以命余書。余喜祖教之盛於此也。喜諸子存心立行之以忠孝自期也。故刊行訓世。廣爲博播。有如姚子。善不獨善。多方引人。有如蔣子二子奉教之心。其殆誠而篤矣。請刊請序。此誥以行。果有虔誦敬禮之士。宣揚於口。領悟於心。身體之。力行之。勿隣僞忠。勿涉僞孝。各自奮勉。抵於純誠。則生爲忠孝完人。沒爲忠孝名神。有不感天地格神明於宇宙間者。余未之前聞。桂香殿外奏宣天下善冊大御史大仙卿史大成敬序

正陽帝君忠孝誥序

天地一大蘆廬也。宇宙一大劇場也。山川嶽瀆。一大鋪張也。日月雲霞。一大景色也。鳥獸草木。一大妝

點也。人處其中。生死壽夭。富貴貧賤。吉凶悔吝。妻財子祿。一大夢幻也。古往今來。歷年千百。寒暑推移。少壯老死。一大瞬息也。然數窮則變。德厚則悠。名節完人。雖死猶生。即天地混沌。日月晦明。山川崩竭。草木萎榮。而至德所昭。大義所著。歷百千萬劫。亦永存而不替者。娑婆世界。人事茫茫。苦海無邊。衆生碌碌。或矢志虛空。置身於沙漠之鄉。或矯情干譽。居然爲學道之人。無父無君。不忠不孝。甚而似是而非。猶豫於中。以刻薄爲嚴明。以迂愚爲忠厚。滾滾紅塵。相胥陷溺。昏昏習俗。共墮輪迴。吾友純陽子。念世教之衰微。憫蒼生之矇昧。特揭忠孝以正人心。宣寫頒行。廣佈人間。其立言本意。

必酌精忠純篤。至孝無忝者。方得入誥。如少有瑕疵。則不與焉。所作忠誥七十二位。孝誥三十六位。凡六卷。每卷俱有發明。此皆人世所共見共聞。彰明較著者。其餘事跡隱晦。出處罕知。皆不悉贅。以是而知超凡入聖。成佛登仙。莫不由於倫紀綱常之際。以爲進德修業之基也。其有裨於世道人心。豈淺鮮哉。是爲序。

呂祖全書卷之七

忠孝誥總論

純陽子曰。混沌之初。未有物。先有道。既有道。即有物。道無形。物有形。有形之物。必載無形之道。何物無道。何道離物。因物命名。因名思義。因義知道。名歸物。物歸義。義歸道。無名天地之始。有名萬物之母。合而言之。何物何名何義。總括之曰道。無道即無物。無物即無名。無名即無義。道也者。在天地未生之前。必在天地既生之後。道亦一物也。天地亦一物也。萬物總一物也。一物分萬物也。洪荒初闢。天地生而萬物生。萬物生而人最靈。故易曰。有天地然後有萬物。有萬物然後有男女。有男女然後有夫婦。有夫婦然後有父

子。有父子然後有君臣。有父子君臣。然後有忠孝之名。蓋人未生之前。漠然無朕。而道在於天地。人既生之後。秉氣成形。而道即蘊於性中。是天地之道。俱在於人身。無有參差偏漏。無有阻礙間斷。舉一身之心思耳目手足。鼻息脉絡筋骨。宰於心而發於意。發於意而形於事。本身一天地也。天地一太極也。太極一無極也。於以知道中不止於忠孝。而忠孝爲行道之始。孝又爲忠之始。忠孝之德。自賦質之時。蚤已具於性中。宜人人爲孝子。爲忠臣。人人爲孝子。則世永無忤逆之事。人人爲忠臣。則世永無反亂之日。乃天運不常。人心多故。胞胎之時。忠孝之心渾然焉。嬰孩之時。忠孝之心油然而。及長而嗜慾惑其心。妻子變其心。財帛搖其心。

爵祿動其心。得失橫其心。利害間其心。而忠孝之良能。已盡失其本來矣。使予今日。欲世人生而爲忠臣孝子。則難。勸世人學而爲忠臣孝子則易。至於學道之之法。當讀書以明其理。持敬以養其心。積誠以動其意。舉念以察其私。獨行獨寢。如君親之臨也。一行一動。如君親之訓也。人而家庭。出而朝廷。竭其力而不敢自以爲孝。人自稱其孝。致其身而不敢自以爲忠。人自稱其忠。然忠孝未有不相同因者。古云。求忠臣於孝子之門。能孝即能忠。能忠必先孝。雖成名各有不同。或以忠顯。或以孝顯。要其理則一也。故純忠純孝。非生知聖人不能。而大忠至孝。智愚皆可勉至。所謂純者。全體大德。至精至微。無絲毫間議。天地以道付我。我即以道

全還於天地。天地且賴其叅贊化育。其殆聖之神乎。所謂大與至者。就其大段而言。忠行孝德。膾炙人口。天地以道付我。我無愧於天地之道。且有功於綱常名教。其殆賢人以上者乎。神聖不可妄希。賢哲宜爲效法。庸常之道。功不求之遠而求之近。事不取之難而取之易。同爲天地所生之人。彼則神靈千古。已則湮沒無聞。於此當大加猛進。欣然改過。每見世之人。學佛學仙。發心發願。苦加修行。一念之不忠孝。仙佛即時棄絕。妄廢其功。蓋古今無不忠孝之神仙。無不忠孝之佛祖。仙祖必自忠孝中來。木有根。水有源。離忠離孝。非佛非仙。余特爲世人指出忠孝之至。可以格天地。可以泣鬼神。可以動風雷。可以致雨雪。可以蹈江河。可以開金

石。可以化鳥獸。可以感草木。可以遺子孫。可以爲賢聖。可以成佛仙。報應無窮。功德無量。余因作此忠孝之誥。舉此忠孝之神。果有能信心者。朝夕拜誦。熟之於中。見之於事。余必偕衆神臨壇聽誦。以佑斯人。以成善果。以致吉祥。福神長照。災禍不臨。豈不善哉。豈不善哉。

忠誥上卷

純陽子曰。盤古首出御世。宇宙於是有天子。天子者。承上帝好生之意。統率海內。以育羣黎。以養萬物也。有天子。則必有公卿百職事之人。承天子好生之意。以明政教。以肅紀綱也。故上帝知天下之不可一日無君。一日無君。則羣盜蜂起。奸宄生心。倫常倒置。強暴吞

凌。上不知天。下不知地。中不知人。依然血食而木居。  
。依然混沌而無分。必擇一人畀以天下之大任。其祖宗  
積功累仁。其本身修德行義。而後奮然崛起。名分正。  
時候至。民心順。歷數歸。上帝傾心以向之。多方以佑  
之。艱難以啓之。太陽太陰之明。風伯雨師爲之和。河  
嶽山海爲之尊。麒麟鳳凰爲之遊。五行五土爲之正。八  
音八律爲之調。而況於人乎。而況於受其職而食其祿乎  
。然治世少而亂世多。賊子多而忠臣少者。則以天澤之  
誼不明。君臣之義不講。僭妄之念不戒。侈慾之行不謹  
。古人之惡不鑒。古人之善不師。卒之身首異處。妻子  
爲戮。宗族陵夷。家祀不保者。皆此不忠所致。可勝歎  
哉。余今爲世人說忠。夫忠一理。而人各途。朝廷之上

。有王侯之忠。有卿相之忠。有臺諫之忠。有師傅之忠。  
。有百職事之忠。宮闈之內。有后之忠。有妃媵之忠。  
有宦寺之忠。邊疆之際。有將帥之忠。有戍卒之忠。四  
海之中。有督撫之忠。有有司之忠。有隸役之忠。有士  
之忠。有農之忠。有工之忠。有商之忠。王侯而聞召即  
朝。守地惟謹。則忠。卿相而引登賢俊。變理陰陽。則  
忠。臺諫而犯顏敢諍。開陳利害。則忠。師傅而格其非  
心。引以至道。則忠。百職事而各盡己責。勞於王事。  
則忠。后而夙興夜寐。無干政事。則忠。妃媵而有寵不  
驕。小心事后。則忠。宦寺而服飾供御。灑掃應接。則  
忠。將帥而義勇奮激。行陣分明。則忠。戍卒而戰則努  
力。居則退屯。則忠。督撫而察貪去酷。尊靈四境。則

忠。有司而清理民情。禁止奸宄。則忠。隸役而勤勞爲念。方便爲心。則忠。士而敦篤人倫。以倡凡庶。則忠。農而三時無失。早輸國課。則忠。工而朝夕作勤。居肆成業。則忠。商而有無相易。逢闕必稅。則忠。朝廷不治者。王侯卿相臺諫師傅百職事之不忠也。宮闈不治者。后與妃媵宦寺之不忠也。邊疆不治者。將帥戍卒之不忠也。四海不治者。督撫有司隸役。士農工商之不忠也。爲忠之事。爲忠之人。難以枚舉。普天之下。莫非王土。率土之濱。莫非王臣。不獨受顯爵者。當爲忠臣。即一官半職。亦當爲忠臣。不獨在朝者。宜爲忠臣。即荒陬海澨。亦宜爲忠臣。說此十七以勸世人。世人本忠者。聞之而欣然。感世人不忠者。聞之而惕然懼。則

賊子潛消。忠臣日出。宇宙太平。一世治。萬世治。萬  
萬世治。長治而不亂者。忠爲之也。忠誠大矣哉。純陽  
子說忠誥上卷畢。說此十七者即上文王侯

虔誠有請。衆神來臨。曰。

志心朝禮

旋乾轉坤。純忠純孝。揖讓大德神聖。有虞大舜帝。無

極至尊。三拜

配天合地。純忠純孝。作述大德神聖。周西伯文王。無

極至尊。三拜

定禮成樂。純忠純孝。制作大德神聖。魯國周公。無極

至尊。三拜

傳道正德。純忠純孝。大成大神大聖。先師孔子。無極

至尊。三拜

志心皈命禮 以下各一拜

丞相比干大忠神 讚各有彼紂而昏。惡聞直論。諫匠既死

諛臣尊。剖心之後國何存。

清惠侯伯夷大忠神 首陽山。去採薇。周八百。與心違

。暴易暴。我安歸。

仁惠侯叔齊大忠神 西山西山。一去不還。周既人闕。

生亦厚顏。

衛大夫石碣大忠神 大義滅親。安國安民。

衛大夫甯俞大忠神 賂醫進食。得全吾君。時當無道。

其愚絕羣。

趙客程嬰大忠神 岍賈音古怒。兒在袴。不敢啼。趙氏數

。欲雪冤。死非莫。

趙客公孫杵白大忠神 立孤難。死亦難。公曰易。岍賈  
見之心膽寒。

鄭大夫公孫僑大忠神 誰殺之。誰嗣之。謗有時。頌有  
時。子產有辭。諸侯賴之。

越大夫范蠡大忠神 會稽事。與君憂。滅吳日。令臣愁  
。五湖遊。五湖遊。君恩常似五湖秋。

三閭大夫屈平大忠神 作離騷。山鬼啾啾徹夜號。懷沙  
死。莫言勞。

安平君田單大忠神 出奇兵。火牛征。龍文五色生。七  
十餘城盡太平。

天下士魯仲連大忠神 天下士。不帝秦。燕將書。豈是

真。

趙上卿藺相如大忠神十五城。壁禍生。澠池上。鼓瑟聲。完壁擊缶秦王驚。

秦大夫茅焦大忠神解衣諫。秦王盼。臣死素辦。母子不可閒。

留侯張良大忠神用漢王。報韓亡。博浪沙中張子房。大中大夫賈誼大忠神王墜馬。鵬至家。治安策上後。哭殺賈長沙。

丞相申屠嘉大忠神殿上慢。弄臣慣。檄召通文帝患。江都相董仲舒大忠神道繼周孔。學貫天人。中朗將蘇武大忠神飲雪似嘗湯。吞羶如食豢。單于不久留。天子得帛雁。

營平侯趙充國大忠神  
總三軍。智勇聞。塞下粟莫如屯。

槐里令朱雲大忠神  
檻可折。佞臣之頭不可留。下從龍  
逢比干遊。

司隸鮑宣大忠神  
慷慨陳言。髡鉗至寃。誰救司隸。來  
集此藩。

東郡太守翟義大忠神  
戰而勝。漢之福。戰不勝。死瞑  
目。食君之祿毋得縮。

忠侯馬援大忠神  
老將征蠻。生度鬼門關。銅柱勳高不  
可攀。

定遠侯班超大忠神  
玉門關。玉明關。投筆封侯幾時還。

東郡太守臧洪大忠神 徒跣請兵。與洪同死。不與將軍  
生。

北海太守孔融大忠神 北海牧。電如目。當時事。盡堪  
哭。寧爲漢死。羞爲曹僕。

武侯諸葛孔明大忠神 操如鬼。公似龍。二十八宿列心  
胸。七擒六出少追蹤。

漢壽亭侯關羽大忠神 讀春秋。秉燭防嫌大節留。桃園  
不似舊。空留遺恨滿荊州。

征南大將軍羊祜大忠神 緩帶輕裘。名士風流。  
彭澤令陶潛大忠神 五柳先生。東籬花發一壺傾。處士  
墓表晉名。

平章究褚遂良大忠神 撲殺此獠。佳兒佳婦恨難消。當

年顧命不終要。血淚灑天朝。

梁公狄仁傑大忠神后而帝。古今稀。六博一局賭朝衣

。片語轉危機。堂堂宰相正邦畿。

始興文獻公張九齡大忠神文章事業一人足。特上千秋

金鑑錄。曲江風度何人績。

廣川都督宋璟大忠神鐵石心腸。賦得梅花滿鼻香。

鄴侯李泌大忠神懶殘懶殘。十年宰相令人寒。夜深明

月滿蒲團。白衣去。紫衣還。

汾陽王郭子儀大忠神用爾誠。去爾智。赴虜止單騎。

寄音

睢陽張巡大忠神睢雖音陽睢陽。士卒無糧。羅雀雀盡。

殺妾妾亡。死爲厲鬼。制賦猖狂。

睢陽南霽雲大忠神  
斷指請兵。愧殺進明。男兒仗義。  
視死如生。

忠節公顏杲卿大忠神  
牧羊奴。犯西都。十七郡應聲呼。

魯公顏真卿大忠神  
歷三朝。白髮蕭蕭。氣節孤標。八  
十年來大限交。忠魂何處招。

忠烈公段秀實大忠神  
仗忠節。心如鐵。笏擊賊。頭顱  
血。謀不成兮臣命絕。

文公韓愈大忠神  
一封章。貶潮陽。霧開光。鱷潛藏。  
藍闕上。費思量。

晉公裴度大忠神  
破蔡功奇。撫蔡心慈。勳高華夏。名  
播外彙。

宛平劉賁大忠神 宦寺廢君如逐鹿。一字還當一痛哭。  
直言下第不須愁。滿朝卿相抱頭縮。

韓國公富弼大忠神 兩國盟。一字爭。使臣膽。大宋聲。

萊國忠愍公寇準大忠神 立功難。立功難。功成謗起令人寒。雷州猶有寇公屋。滿目森森圍綠竹。百姓過之俱一哭。

魏國忠獻公韓琦大忠神 立二帝。相三朝。寒西賦。阻青苗。事業昭。

潞國忠獻公文彥博大忠神 白髮蕭蕭執紀綱。恩隆十日詣都堂。文盡職。武安疆。四海春風到處揚。

河內公司馬光大忠神 生平無事不堪傳。走卒兒童識大

賢。一自宣仁晏駕後。黨人碑樹淚涓涓。  
汝南文正公范仲淹大忠神。一家哭。一路哭。貪史終朝  
剝人肉。甲兵滿腹。西賊聞之心膽縮。  
叅知政事唐介大忠神。仗忠信。任風波。彈章不厭多。  
骨鯁任君磨。  
清獻公趙抃大忠神。鐵面御史。花驄至此。一琴一鶴。  
清心如水。  
開封守包拯大忠神。銅肝鐵膽不容情。笑一笑。黃河清  
。隴西公李綱大忠神。虞騎橫。薄西城。書生無奈領殘兵  
。孤忠奮激。調度分門。  
太學生陳東大忠神。上書不止。成仁而死。從容就市。

烈哉君子。忠臣含淚奸臣喜。

副元帥宗澤大忠神。心勤帝室。眼識英雄。

崇政殿學士王安國大忠神。青苗錢。四海顛。兄執拗。

弟稱賢。拘與賢。萬古傳。

徽猷閣學士洪皓大忠神。浩一本作認冷山冷山。白首而還。

豐國公趙鼎大忠神。身騎箕尾歸天上。氣作山河壯本朝。

。壯本朝。愧同僚。有日裏。殄鴟鴞。

學士虞允文大忠神。采石磯頭志氣高。大功勞。大功勞。

。書生不着戰時袍。羞殺將軍掛大刀。

忠簡公胡銓大忠神。檜議可成。檜肉可烹。小朝廷。寧

蹈海死羞作卿。

烈士施全大忠神。拋一身。乾坤冤氣盡皆伸。事不成。

英魂留得作忠神。休疑聶政一流人。

文公朱熹大忠神。古之文。秦如焚。古之教。漢帝分。

三代而後一聖人。講學東南得道真。正心誠意動君民。

江西招諭使謝枋得大忠神。賣卜賣卜。世人漸熟。慙慙

聊作一書復。留得丹心青史讀。

忠節公李芾大忠神。號飲度殘更。血淚無聲。潭城外。

殺氣橫。臣力已竭。臣心已明。

越國公張世傑大忠神。一君立。一君亡。天厭趙。颶

風揚。上達臣心一瓣香。

左丞相陸秀夫大忠神。一塊肉。不得復。海水滔滔與君

宿。千古興亡何代無。元人歡喜宋人哭。

懼音

信國公文天祥大忠神。餓不死。奔千里。十七史。何處起。曰成仁。素所履。

幽國公余闕大忠神。註周易。談軍事。翩翩良將國所器。守孤城。賊兵熾。一家死。義生平志。

學士方孝孺大忠神。木末亭。忠魂號哭暗星辰。九族是何人。空留白骨委江濱。

兵部車駕司楊繼盛大忠神。九死一生。忠心未泯。五奸十罪狀難形。

聖教得統。大忠至孝。光明通顯。靈應少保。樞密副使。武昌忠武岳公。護善大天尊。三拜。

末評挺生。忠孝性成。勦除積寇。威振金城。雄如兀朮。聞名即驚。請命終喪。目幾失明。帝曰戒酒。遂

絕兕觥。軍來仙鎮。義勇俱盟。黃龍寨裡。指日稱平。  
。金牌忽下。馬首淚傾。天地變色。奸諛可烹。風波  
亭上。草木無情。魂遊天府。上帝鑒誠。神靈宇宙。  
萬古佳聲。

忠誥中卷

純陽子曰。生爲名臣。死爲名神。臣不易名。神不易名。  
。世人昏昏。不察其真。天地之間孰爲重。人爲重。人  
之中。孰爲尊。君爲尊。君之下。孰爲貴。臣爲貴。臣  
之內。孰爲美。忠爲美。世人有言。願爲良臣。不願爲  
忠臣。此即道中門外漢。此即道中瞌睡翁。何知有良。  
何知有忠。逢堯舜之時。臯夔稷契。良臣也。逢桀紂之  
時。龍逢比干。忠臣也。龍逢比干。處堯舜之世。亦願

爲良臣。皐夔稷契。處桀紂之時。亦不得不爲忠臣。所謂忠者。誠一無欺。盡心竭力。敬事後食。坐鎮朝端。大節不撓。小行必謹。至於臨難死義。不事二君。乃天地大道。人生至性。譬如女子。夫死重嫁。承一夫顏色。復承一夫顏色。回憶前情。稍有烈氣者。豈不羞殺。是知馮道蘇循之流。乃畜類同歸。雖位至卿相。祿享千鍾。乞人不屑。何況於有志氣者。故可以經綸廊廟。致治清明者。即可以犯顏敢諍。捍禦封疆。視死如生。爲忠爲良。易地皆然。特時數不同。遇主有異。世人莫作兩般看。莫作難易想。幸而太平無事。主聖臣良。景星慶雲昭其應。嘉禾瑞麥致其祥。是先帝之靈。蒼生之福。社稷之長。爲臣而享富貴榮華。遇也。不幸而君驕臣

諛。誅戮賢良。繁擾海內。奸雄草寇。竊據一方。地震山崩。時逢災變。是上天之怒。蒼生之災。社稷之促。爲臣而困苦患難。盡節以終。分也。知遇與分之所在。則不怨於天。不尤於人。盡己之心。聽天之命而已。余每讀史。看歷代以來。有獲忠良之名。而究無忠良之實者。有二。有先事一君。不見其忠。繼事一君。方見其忠者。亦有二。余今爲世人拈出。一則翹君之過。以沽直名。多刻諫草以傳子孫。一則生平奸回。敗國之事。臨難死節。以蓋前愆。此有忠之名。究無忠之實也。一則待之薄者。以薄報之。待之厚者。以厚報之。一則重惜其死。甚愛其才。另結英君以盡其職。此一君不見其忠。一君方顯其忠也。然此四者。余雖拈出。世人亦不

可輕畧。彼其人殊有可憐憫之處。比於純忠大忠者則不能。較於不忠不良者則遠勝。今世人既立心爲忠臣。則當取純忠大忠者。以爲模範。不可錯認優孟衣冠。作孫叔敖可也。抑忠不必於大處觀之。正於小處觀之。不必於人知見之。正於不知見之。小事盡。則大事無不盡。不求知而人自知。然小者非小忠之謂。不知者。非淡漠之謂。一事之舉必勤。一言之發必誠。如陶侃之運甕齋頭。程頤之折柳必諫。此其小者也。然小事如此。大事可知。夙夜小心。無慚屋漏。如趙盾之食魚飧。楊震之辭暮金。此不求人知者也。然誠於內者。必形於外。辨忠至此。則知生爲名臣。死爲名神。非一事可假。一朝可至。世之人。當油然而思。恍然悟。而知人之重。君之

尊。臣之貴。忠之美矣。純陽子說忠誥中卷畢。

虔誠有請。衆忠神來臨曰。

志心朝禮 凡三拜

旋乾轉坤。純忠純孝。揖讓大德神聖。有虞大舜帝。無

極至尊。

配合天地。純忠純孝。作述大德神聖。周西伯文王。無

極至尊。

定禮成樂。純忠純孝。制作大德神聖。魯國周公。無極

至尊。

傳道正德。純忠純孝。大成大神大聖。先師孔子。無極

至尊。

志心皈命禮 凡一拜

丞相比干大忠神

清惠侯伯夷大忠神

仁惠侯叔齊大忠神

衛大夫石碯大忠神

衛大夫甯俞大忠神

趙客程嬰大忠神

趙客公孫杵臼大忠神

鄭大夫公孫僑大忠神

越大夫范蠡大忠神

三閭大夫屈平大忠神

安平君田單大忠神

天下士魯仲連大忠神

趙上卿藺相如大忠神

秦大夫茅焦大忠神

留侯張良大忠神

大中大夫賈誼大忠神

丞相申屠嘉大忠神

江都相董仲舒大忠神

中郎將蘇武大忠神

營平侯趙充國大忠神

槐里令朱雲大忠神

司隸鮑宣大忠神

東郡太守翟義大忠神

忠侯馬援大忠神

定遠侯班超大忠神

東郡太守臧洪大忠神

北海太守孔融大忠神

武侯諸葛孔明大忠神

漢壽亭侯關羽大忠神

征南大將軍羊祜大忠神

彭澤令陶潛大忠神

平章事褚遂良大忠神

梁公狄仁傑大忠神

始興文獻公張九齡大忠神

廣川都督宋璟大忠神

鄴侯李泌大忠神

汾陽王郭子儀大忠神

睢陽張巡大忠神

睢陽南霽雲大忠神

忠節公顏杲卿大忠神

魯公顏真卿大忠神

忠烈公段秀實大忠神

文公韓愈大忠神

晉公裴度大忠神

宛平劉蕡大忠神

韓國公富弼大忠神

萊國忠愍公寇準大忠神

魏國忠獻公韓琦大忠神

潞國忠獻公文彥博大忠神

河內公司馬光大忠神  
汝南文正公范仲淹大忠神

叅知政事唐介大忠神  
清獻公趙抃大忠神

開封守包拯大忠神  
隴西公李綱大忠神

太學生陳東大忠神  
副元帥宗澤大忠神

崇政殿學士王安國大忠神

徽猷閣學士洪皓大忠神  
豐國公趙鼎大忠神

學士虞允文大忠神  
忠簡公胡銓大忠神

烈士施全大忠神  
文公朱熹大忠神

江西招諭使謝枋得大忠神

忠節公李芾大忠神  
越國公張世傑大忠神

左丞相陸秀夫大忠神  
信國公文天祥大忠神

豳國公余闕大忠神 學士方孝孺大忠神

兵部車駕司楊繼盛大忠神

以上各一拜

聖教得統。大忠至孝。光明通顯靈應少保。樞密副使。

武昌忠武岳公。護善大天尊 三拜

忠誥下卷

純陽子曰。古今來有無用之人。而不得謂之不忠者。有用之人。而不得見其忠者。碌碌庸才。但袖手傍觀。歲縻廩祿。留之無益。去之無損。如公孫宏之三公布被。盧懷慎之伴食中書。是也。此可稱爲無用之人。而不可加以不忠之名。權衡者。誠能慎之於始進。則因才授職。名器不致濫叨。而朝廷得人矣。有才堪王佐。學貫

天人。經綸滿腹。處之閒散之地。無所見其長。因浪跡於江山。陶情於詩酒。如李白之識子儀。杜甫之依嚴武。是也。此可稱爲有用之人。而仍不得盡其忠之事。秉軸者。果能登之於要路。則得權行道。必有非常之功業。而草野無遺賢矣。余所謂忠臣者。原非從利害上計較。天王明聖之戴。不可一日去於胸中。君臣之大道然也。今即以利害論。則忠臣之利居多。奸臣之害不少。古今報應。昭昭不爽。如此干諫紂而死。飛廉逢紂之惡。在當時。飛廉豈不揚揚自以爲得計。及牧野之師起。武王於比干之墓則封之。於飛廉則驅於海隅而戮之。死之先後曾幾何時。而比干之香名萬載。飛廉遺臭千年。利害不大相懸絕哉。且奸臣不獨人得而誅之。即天終必誅

之。如賈充秦檜。惡貫滿盈。二人本皆有子。充檜之婦。妬而殺之。此天譴也。特假妬婦之手耳。夫絕嗣大事。因一人奸惡。遂絕千年宗祀。豈不昭然顯應哉。此特槩舉一二人之報應。以醒悟爾世人。夫自古之奸臣。未有安享無事者不顯滅其身。必戮其子孫。如董卓。曹操。韓侂胄。史彌遠之報應。東冊之中。歷歷可數。爾世人不見近世之盡難者乎。一身既死。朝廷必蔭其子孫。加以贈諡。即換朝易姓。亦必追錄忠良。載在青史。若奸臣則宇宙罵不絕口。雖孝子慈孫。不能蓋其愆。利害如此。世人何憚不爲忠臣。而願爲奸臣哉。今而後。已仕者。當打點心腸。光明正直。烈烈轟轟。爲一忠臣。未仕者。一飲一食。常感君恩。慕拜颺之風。絕逢迎之

事。一旦立朝。自可爲忠臣。即終身不仕。亦無愧於天地神明。余說誥至此三卷。惓惓欲世人盡忠之意。至矣。盡矣。倘執迷不悟。不獨負天地。負君王。且負吾一片婆心矣。純陽子說忠誥下卷畢。

虔誠有請。衆忠神來臨曰。

志心朝禮 凡三拜

旋乾轉坤。純忠純孝。揖讓大德神聖。有虞大舜帝。無極至尊。

配合天地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮

凡一拜

丞相比干大忠神

清惠侯伯夷大忠神

仁惠侯叔齊大忠神

衛大夫石碯大忠神

衛大夫甯俞大忠神

趙客程嬰大忠神

趙客公孫杵臼大忠神

鄭大夫公孫僑大忠神

越大夫范蠡大忠神

三閭大夫屈平大忠神

安平君田單大忠神

天下士魯仲連大忠神

趙上卿藺相如大忠神

秦大夫茅焦大忠神

留侯張良大忠神

大中大夫賈誼大忠神

丞相申屠嘉大忠神

江都相董仲舒大忠神

中郎將蘇武大忠神

營平侯趙充國大忠神

槐里令朱雲大忠神

司隸鮑宣大忠神

東郡太守翟義大忠神

忠侯馬援大忠神

定遠侯班超大忠神

東郡太守臧洪大忠神

北海太守孔融大忠神

武侯諸葛孔明大忠神

漢壽亭侯關羽大忠神

征南大將軍羊祜大忠神

彭澤令陶潛大忠神

平章事褚遂良大忠神

梁公狄仁傑大忠神

始興文獻公張九齡大忠神

廣川都督宋璟大忠神

鄴侯李泌大忠神

汾陽王郭子儀大忠神

睢陽張巡大忠神

睢陽南霽雲大忠神

忠節公顏杲卿大忠神

魯公顏真卿大忠神

忠烈公段秀實大忠神

文公韓愈大忠神

晉公裴度大忠神

宛平劉蕡大忠神

韓國公富弼大忠神

萊國忠愍公寇準大忠神

魏國忠獻公韓琦大忠神

潞國忠獻公文彥博大忠神

河內公司馬光大忠神

汝南文正公范仲淹大忠神

叅知政事唐介大忠神

清獻公趙抃大忠神

開封守包拯大忠神

隴西公李綱大忠神

太學生陳東大忠神

副元帥宗澤大忠神

崇政殿學士王安國大忠神

徽猷閣學士洪皓大忠神

豐國公趙鼎大忠神

學士虞允文大忠神

忠簡公胡銓大忠神

烈士施全大忠神

文公朱熹大忠神

江西招諭使謝枋得大忠神

忠節公李芾大忠神

越國公張世傑大忠神

左丞相陸秀夫大忠神

信國公文天祥大忠神

幽國公余闕大忠神

學士方孝孺大忠神

兵部車駕司楊繼盛大忠神

以上各一拜

聖教得統。大忠至孝。光明通顯靈應。少保樞密副使。

武昌忠武岳公。護善天尊。三拜